



天津交通銀行同
人俱樂部圖書室

張大司馬奏稿卷四

起咸豐三年癸丑六月訖九月

目錄

籌辦江防并分兵救援江西摺

籌辦楚豫交界各處防剿情形摺

豫省道梗越南貢使暫由荆郡截留片

署提臣因病出缺摺

舉劾兩湖各屬文武摺

漢陽同知張曜孫失守處分請免置議片

保獎捐輸官紳片

河南賊匪竄楚水陸夾擊獲勝摺

張大司馬奏稿卷四目錄

附陳各路賊情片

勦辦河南竄楚賊匪出力員弁兵勇請 旨獎敘摺

遵 旨籌辦船礮摺

李防禦熟悉水師請調來楚驗視戰船片

招回難民查驗資遣回籍片


請將部議革職之積參將暫留宜章署任片

賊船上竄籌辦情形摺

請留已革道員差委片

酌撥湖南停運漕米供用片

拏獲捏報營兵解部審辦片



勦辦通城廣濟土匪事竣請將出力殉難官紳分別獎卹摺
調補山東巡撫謝 恩摺

逆船猛撲田鎮官軍水陸三捷摺

附陳俟吳督到鄂再起程赴山東新任片

籌辦江防并分兵救援江西摺

咸豐三年六月初二日會銜

奏爲見籌擇要防勦并分兵救援江西省城各情形恭摺由驛馳奏仰祈

聖鑒事

臣

等前因逆船上竄已至彭澤上游一帶防守宜嚴欽

奉

諭旨令於道士洑黃石港兩處扼要防勦

臣

等前咨署提

臣

阿勒

經阿札署漢黃德道徐豐玉於接辦廣濟土匪竣事之後移兵防江并札署臬司羅遵殿徧勘下游形勢水陸路徑擇要駐守

臣張

亮基於拜摺後挑帶兵勇由舟前往沿途察看地勢道士洑南岸危峰斗起插入江干水流湍急形勢甚險惟對面散花洲沙岸遼

張大司馬奏稿卷四

一

闊一遇伏秋盛漲江水瀾漫聯成一片江面過寬難以控制黃石港江面七八里無險可扼且兩處相距甚近均係大冶地界設防於此下游之黃梅廣濟興國州三州縣不能兼顧縱能固守江面而陸路千歧百徑防不勝防地遠則兵分兵分則力薄殊非制勝之道惟廣濟之田家鎮地方對面爲半面山壁立江心此處江流最狹僅一百七十餘丈稍上爲沙村對岸爲牛關磯江面雖寬較之他處猶爲窄狹且磯流駛急舟行逆水頗形艱阻

臣

張亮基與

署提

臣

阿勒經阿漢黃德道徐豐玉及行間文武詳悉商酌并躬

親履勘擬於半面山對面田家鎮洲尾安設木筏環列竹篴實以沙土以禦銃礮沙篴中預畱礮眼筏上駐兵勇數百名安大礮向

江轟擊遇有賊船上駛但能看準施放可期得手繫筏於洲洲上紮營深溝固壘以護木筏防賊由陸抄襲之路大營安於沙村以便策應南岸可以兼顧興國州陸路北岸可以兼顧廣濟縣陸路相距俱不過數十里設使兩路有警即便分兵就近堵截且廣濟甫經安定興國民情浮動有此重兵鎮壓其間庶亦建威銷萌之道其地勢亦實較道士洑黃石港兩處爲優未便以曾奉

諭旨於兩處設防遂不統籌全局此見在籌辦本省防剿之大概情形也連日接據江西來咨逆船於五月十八日進薄省城幫辦軍務湖北臬司江忠源帶勇進省嚴密防守二十日卯刻由突門出擊斃賊二百餘生擒長髮賊七名兇鋒大挫惟賊船千餘隻環

張大司馬奏稿卷四

二

繞三面水路滋擾文報難於馳遞并據探報尚有逆船五百餘隻從安徽隨後駛至江西省城兵勇僅止五千餘名亟應分兵馳往救援而湖北踞長江上游此時距賊蹤較近見在已到防所兵勇尙止三千餘名臣於萬無可抽撥之中勉強分撥精壯兵勇千名又招集江南免兒礮被賊船衝潰之廣勇四百餘名川兵川勇五百餘名共二千餘名并歸都司戴文蘭統帶星夜由陸路馳赴江西聽候幫辦軍務湖北臬司江忠源調遣各處擒匪最多自應預爲布置免其乘勢勾結臣擬俟江防部署略定交署漢黃德道徐豐玉前署漢陽府知府張汝瀛接辦臣當星夜回省籌辦北路事宜并咨署提臣阿勒經阿即回襄陽本任加意準備所有江面布

置及分兵馳援江西各緣由謹會同湖北巡撫臣崇綸署提督臣

阿勒經阿恭摺由驛馳奏伏乞

皇上聖鑒訓示施行謹 奏

硃批另有旨欽此

咸豐三年六月二十二日奉

上諭張亮基奏見籌擇要防勦并分兵援應江西一摺據稱廣濟縣之田家鎮對面有半面山壁立江心江流最狹該署督擬於該處安設木筏大礮防賊抄襲并可兼顧南北兩岸辦理尙屬得宜至南昌見尙被圍該省居聞浙楚皖之中其地最關緊要萬不可稍有疏虞該署督已分撥兵勇及招集廣勇等共二千餘名馳赴

張大司馬奏稿卷四

三

該省著卽趕緊催令星夜趲行無稍遲延所請將黃州副將張金甲帶赴江西著准其馳往軍前戴罪自效至襄陽樊城等處與河南接壤卽著阿勒經阿隨同台湧加意准備嚴密設防惟該署督見已回省署提督復回襄陽其下游江防專責該署道府接辦是否可以放心仍著隨時體察情形相機調度無稍大意本日據陸應穀奏南陽鎮柏山追賊至遂平連日大獲勝仗南竄股匪計將殲除殆盡儻餘匪闖入湖北仍當迅速堵擊勿令滋蔓又據蔣霽遠奏已選精兵二千名派得力鎮將帶赴湖南見在計已到楚該省防堵之兵不至單薄前有旨諭令調赴江西之鎮筵兵八百名湘鄉練勇數百名并著迅催星速援應南昌被圍情形萬分喫緊

此
專望兩楚援兵切勿延誤是爲至要將此由六百里諭令知之欽

張大司馬奏稿卷四

四

籌辦楚豫交界各處防剿情形摺

成豐三年六月二十二日會銜

奏爲逆賊分股竄擾河南擒匪四起見在籌辦楚豫交界各處情形恭摺由驛具奏仰祈

聖鑒事竊

臣

前因逆船上竄親督兵勇擇於田家鎮半面山一帶

結立陸營水寨以嚴江防而遏賊衝并因賊船駛撲江西省城卽

於防所分兵飛馳援剿復據探報由滁北竄之賊直撲河南省城

并擾及河南府一帶楚省北境與河南壤地毗連向爲擒匪出沒

之所亟應預爲布置免其乘機勾結

臣

當星夜回省籌辦北路事

宜所有設防分援及預籌北路事宜各緣由業於六月初二日由

行營具摺拜發

臣

於江防布置稍定後卽趕回省城催調各路兵

張大司馬奏稿卷四

五

勇來省聽候調遣并飛札切近豫省之應山孝感隨州棗陽等州縣迅速催飭團練加意隄防一面廣發哨探分往豫省密覘賊蹤遴委江陵廩生林天直赴沿邊各處聯絡紳民令其互相策應隨據各州縣稟報逆賊分股竄擾河南之新鄭許州一帶土匪擒匪在處勾結突起有取道西平直偪信陽之耗探報亦復相同查河南信陽爲楚豫驛遞衝途信陽有警則湖北之隨州應山孝感一帶處處宜防而應山之黃土平靖武勝三關爲自古南北有事必爭之地所謂義陽三關者也孝感縣北界之九里關等處與三關皆有險可憑爲全楚門戶賊蹤雖在豫省全楚之戒備宜嚴

臣已

飭調官兵一千七百餘名交前湖北藩司唐樹義統領於十七日

馳赴該處相地分布扼要堵剿并札委見署黃陂縣知縣許賡藻在籍幫辦團練之禮部主事胡大任隨同前往勸諭各屬紳團互相聯絡彼此策應以輔兵力之不足又襄陽北控宛洛南蔽江淮形勢衝要自古稱爲雄鎮臣前在防所卽囑署提臣阿勒經阿馳回襄陽本任選練兵丁聽候調遣昨接來函該署提臣因積勞受熱暴患虛損氣墜之證行至黃州病勢增劇見正覓醫調治一時未能就痊而北路事勢緊急亟須經理臣稔知署臬司羅遵殿前在安襄鄖荆道任內甚有惠政士民樂爲之用卽札委該署司帶印馳赴襄陽號召鄉團勉以忠義所有提標將弁兵丁俱由該署司調遣以備不虞大約楚省迤北一帶地近中原士民果俠好義質實不浮如得其人撫而用之南北驅使均可期其得力當此兵單餉竭之時內匪外寇相逼而來湖北北連河南東接江西水陸分防兵力不敷調撥且北路地方遼闊防不勝防萬不能不藉資民力惟有仰懇

張大司馬奏稿卷四

六

皇上天恩許臣隨時察核遇有出力紳民卽行破格保奏以資激勸既可資其一時保衛之力復可儲爲異日禦侮之才庶民心固而兵氣自揚其於目今事勢不爲無補所有籌辦楚豫交界各處防剿情形謹會同湖北巡撫臣崇綸由驛奏報伏乞

聖鑒訓示施行謹 奏

硃批另有旨欽此

豫省道梗越南貢使暫由荊郡截畱片

咸豐三年六月二十二日

再越南國貢使由粵西湖南行入湖北前經臣奏明以武昌省城兵燹之餘衙署未修儀仗未備無以隆體制而示外藩請改道荊州襄陽由河南赴

關欽奉

硃批是欽此當卽札行荊州襄陽府縣并咨荊州將軍代辦犒賞筵宴已准荊州將軍移咨及各府縣稟報一切俱照舊章辦理無誤復據襄陽縣知縣稟轉據河南南陽府函開粵逆分股竄擾豫省前途梗塞越南貢使改由荊襄必須取道豫省請暫由荊郡截畱等因臣已飛咨荊州將軍并札道府俟探明前途肅清再行護送前進以昭慎重理合附片陳明伏乞

張大司馬奏稿卷四

七

聖鑒訓示謹 奏

硃批另有旨欽此

咸豐三年七月初六日奉

上諭張亮基奏籌辦楚豫交界情形一摺逆匪分股竄擾河南尙未淨盡而捻匪復乘機蜂起本日據陸應穀奏汝甯及沈邱項城永城等處均有捻匪肆擾該署督復奏探報逆匪分竄新鄭許州一帶土匪捻匪勾結突起有取道西平直偃信陽之耗信陽與湖北接壤防堵最關緊要該署督已調官兵一千七百餘名交唐樹義馳赴三關等處扼要堵剿并分委官紳勸諭團練以爲策應又委羅遵殿馳赴襄陽防堵所有兵勇俱由該署司調遣布置尙屬周妥均著照議辦理惟豫省大兵均在河北其黃河以南兵力實形單弱見在各處匪徒竊發儻與逆黨勾結更恐滋蔓難圖該署督務當嚴飭交界防堵各員越境迎剿與豫省在事文武不分畛域合力夾擊以期剋日殄滅萬勿自固藩籬徒事株守致誤事機如楚北兵勇有可分撥豫省之處卽著迅派馳往協剿另片奏越南貢使請暫畱荊州等語卽著妥爲布置無任稍有疏虞一俟前途肅清再爲護送前進餘著照所請辦理將此由六百里諭令知之欽此

署提臣因病出缺摺咸豐三年六月二十二日

奏爲署湖北提臣因病出缺請

旨將本任宜昌鎮總兵員缺迅賜簡放以重職守并據情代奏仰
祈

聖鑒事竊臣據署黃州協副將舒寬稟稱署提臣阿勒經阿因病
暫畱黃州就醫十七日已刻該副將前往探視署提臣面告云積
勞成疾兼受暑溼遂致沈疴莫起見值賊匪分擾未能爲

國除患有負

天恩等語旋即痰氣上壅漸次昏迷至是日未刻出缺所有提督
行營關防專弁齎送到臣當卽札飭該副將會同署黃州府知

張大司馬奏稿卷四

九

府金雲門將署提臣身後一切妥爲照料去後旋准署提臣阿勒
經阿遣咨竊阿勒經阿係滿洲廂白旂二甲喇志福佐領下人由
內火器營烏槍護軍洊升正參領外放陝甘督標中軍副將丁憂
服闋

簡放肇慶協副將道光二十九年蒙

宣宗成皇帝天恩升授湖北宜昌鎮總兵咸豐元年五月奉派帶
領提鎮各標官兵二千名馳赴廣西疊次督兵打仗二年三月折
回陽朔復追賊至湖南十一月奉調至湘陰派剿巴陵土匪親帶
官兵疊獲勝仗焚燬賊巢并生擒首逆晏仲武等仰邀

皇上天恩微勞必錄將阿勒經阿交部從優議敘旋署湖北提督

因黃州府廣濟縣匪徒抗糧戕官阿勒經阿馳往會督官兵屢戰獲勝拏獲首逆方四象等按律懲辦值金陵逆匪分股上竄移師沙村及田家鎮地方幫辦江防復以粵逆竄擾河南奉咨馳回襄陽本任經理北路事宜因阿勒經阿以積勞之身兼感暑溼陡患重病六月初六日力疾登舟行至黃州府境舟中受暑病益增劇延醫調治迄難痊愈伏念阿勒經阿世受

國恩得年六十有四歲從事軍旅於今三年自揣精力尙強冀可稍圖報稱乃未效犬馬之勞竟同蜉蝣而逝殺賊未盡死亦辜恩伏枕哀鳴望

闕泥首永辭

張大司馬奏稿卷四

十

盛世曷勝哽咽抱恨之至再阿勒經阿并無子嗣有胞姪全福係內火器營廂白旂委參領在京供職胞姪孫富勒渾承廕二品廕生隨任宜昌讀書見今隨侍并無親丁咨請憐情代奏等因臣查提臣阿勒經阿老成樸實於軍營應辦事件與臣和衷商榷毫無齟齬諸賴勳勤臣前在沙村行營接見該署提臣見其飲食步履俱尙强健回省後接該署提臣來函以受暑致病臣卽函囑安心調理并代覓醫生前往診視方期速就痊除藉資臂助忽聞出缺深用惻然該署提臣因辦理江防抱疾不起係屬歿於

王事合無仰懇

皇上天恩照提督例賜卹任內一切處分悉予開復出自

逾格鴻慈至湖北提督事務見在湖北并無實任總兵可以委署而副將中又無可護理之人臣只得暫行兼署查湖北提督駐紮襄陽穀城見在籌防緊急應請

旨迅派大員馳往署理宜昌鎮總兵員缺緊要并請

迅賜簡放以重職守所有署提臣因病出缺咨請代奏緣由謹恭摺由驛具奏伏乞

皇上聖鑒訓示施行謹 奏

硃批另有旨欽此

咸豐三年七月初六日內閣奉

上諭張亮基奏署提督因病出缺一摺署湖北提督宜昌鎮總兵

張大司馬奏稿卷四

七

阿勒經阿由參領外擢副將升任總兵曾經出兵打仗剿匪擒渠本年二月署理湖北提督於江防營務皆能認真經理茲因積勞染疾遂爾溘逝殊堪軫惜加恩著照提督例賜卹任內一切處分悉予開復應得卹典該衙門察例具奏欽此

咸豐三年七月初六日內閣奉

上諭湖北宜昌鎮總兵著虎嵩林補授欽此

咸豐三年七月初六日內閣奉

上諭湖北提督著張亮基暫行兼署欽此

舉劾兩湖各屬文武摺

咸豐三年六月二十二日會銜

奏爲據實舉劾以清吏治而肅軍政仰祈

聖鑒事竊

臣蒙

恩署理湖廣總督兩省吏治軍政皆其專責受事以來日夜思惟國家治亂之原視乎用人行政而用人尤爲行政之本賢能進則職事修政清於上民安於下無事有備有事無患世之所由治也奸庸進則職事隳文法徒具刑政不明畏死要錢便文取巧世之所由亂也

臣渥被

殊恩膺茲重任覺治民莫先於察吏用兵莫要於擇將當茲時而求安民殄寇撥亂返治之方舍察吏選將之外無可期其必效者

張大司馬奏稿卷四

三

天下人材原足供一時之用今之坐歎無材者非盡無材之患也所尊者不皆賢所使者不皆能而賢能之沈淪屈沒者不少也

臣

謹就兩省文武中所真知者據實舉劾冀各屬聞風互相砥厲或可少收得人之效以無負我

皇上知人安民整軍經武之意湖北署鍾祥縣知縣孝感縣知縣李棟樸實勤能操守廉潔爲政寬猛得宜所治匪盜斂戢士民畏愛該員見題升荆門直隸州知州請引

見後以知府升用前署襄陽同知六品翎頂

特旨改發湖北補用知縣劉士哲以文員而嫻武事實直勇敢遇事奮勉不憚勞瘁請以同知儘先升用先換頂帶前署襄陽縣知

縣候補縣丞江世玉面冷性直操守耿介屢次代理縣篆輿情感服請以知縣不論繁簡儘先升補署督標中軍副將左營遊擊候升參將駱永忠樸幹老練人甚正派訓練有方請以本省副將升用先換頂帶鄖陽守備推升江西都司曠輔廷屢經行陣膽氣甚好請畱本省以遊擊升補先換頂帶德安營守備葛以敦訓練認真膽識尙優人亦正派甚得兵心請以都司儘先升用先換頂帶六品翎頂竹山協把總劉富成打仗奮勇膽氣甚壯請以千總升補宜昌府知府李壽彭闡茸無能諸務廢弛歸州知州何維翰官聲平常輿情不洽署崇陽縣知縣韓印海遇事顛預不知振作巴東縣知縣額爾琿任性妄爲聲名甚劣代理鄖縣知縣鄖陽府經歷

張大司馬奏稿卷四

三

愿喬淑曾心地糊塗不堪造就以上五員應請

旨一併革職本任鄖縣知縣梁光釗嘉魚縣知縣郭種德性情迂鈍均請以敎職改歸該省選補施南協副將耿文錦年老衰頹難期得力請卽勒令休致荊州城守營參將慶福畏葸無能施南協中軍都司富興性耽安逸不得兵心武昌城守營中軍守備喬廷魁性情狡猾均應請

旨一併革職湖南署寶慶府知府卽補知府魁聯辦事勤能鋤除積匪多名地方賴以安定請遇有知府缺出不論繁簡儘先補用

并

賞加道銜署武岡州知州茶陵州知州葆亨勤奮明幹所獲積年

匪盜最多知州銜常甯縣知縣戚天保遇事明決爲守兼優耒陽縣知縣唐逢辰老成穩練甚得民心均請以同知直隸州儘先升用唐逢辰并請先換頂帶升用遊擊塔齊布膽識俱壯訓練認真澧州營參將景輝整飭營務日有起色均請以參將升用宜章營都司積拉明阿膽技俱優請以參將升用永綏協千總熊興柏永綏廳屯把總張萬書永綏營六品藍翎把總向方得打仗奮勇膽氣甚壯熊興柏請以守備升用先換頂帶張萬書向方得均請以千總儘先升用署臨湘縣知縣周繼芬居心卑鄙聲名平常東安縣知縣王怡善性耽安逸難期振作署巴陵縣知縣陳正義貌似有才心殊狡猾以上三員應請

張大司馬奏稿卷四

西

旨一併革職臨武縣知縣張長庚久病戀棧署東安縣知縣余煥南才識迂拘均請勒令休致甯鄉縣知縣齊德五操守尙好才具中平與該處人地不宜請撤回另補永州鎮總兵孫應照不諳軍務近又多病長沙協副將清德庸懦卑鄙營務廢弛署寶慶協副將張寅恭性情乖謬訓練并不認真均應請

旨一併革職湖南丁憂在籍委員同知借挑廣西知州張榮組勦辦醴陵攸縣安仁桂東各處土匪屢著勞績該員膽識俱優深明方略除另案保奏外請服闋後以知府遇缺選用先換頂帶臣在湖南巡撫任內四月有餘署理湖廣總督僅及五月於兩省吏治軍政時刻畱心察看就兩省吏治言之湖南吏治之壞甚於湖北

官吏操守不謹一任門丁書役多方詐擾以致是非胥亂綱紀凌夷臣與署撫臣駱秉章力求整頓雖稍已改觀而積習相仍一時尙未能丕變湖北仕風習成玩泄雖見在貪墨著聞者尙少然公務疲滯特甚終覺運掉不靈至兩省軍政廢弛已久提鎮中材武知名畱心訓練者絕少其人以致士卒驕惰不諳紀律臣見與湖北撫臣崇綸署理湖南撫臣駱秉章幫辦團防前禮部右侍郎臣曾國藩加意訓飭多方鼓舞需以時日可期漸有起色所有兩省吏治軍政亟須整飭臣謹就所知者據實舉劾以資激勵各緣由謹會同湖北巡撫臣崇綸署湖南巡撫臣駱秉章恭摺具奏伏乞皇上聖鑒訓示施行謹 奏

張大司馬奏稿卷四

五

硃批另有旨欽此

咸豐三年七月初六日內閣奉

上諭張亮基奏據實舉劾文武各員一摺據稱湖北署鍾祥縣知縣孝感縣知縣李樞勤能廉潔士民畏愛該員見升荆門直隸州知州著俟引見後以知府升用前署襄陽府同知六品翎頂改發湖北補用知縣劉士哲嫻於武事實直奮勉著以同知儘先升用先換頂帶前署襄陽縣知縣候補縣丞江世玉性直守介屢次代理縣篆輿情感服著以知縣不論繁簡儘先升補湖北署督標中軍副將左營遊擊候升參將駱永忠樸幹老練訓練有方著以該省副將升用先換頂帶鄖陽守備推升江西都司曠輔廷屢經行

陣膽氣甚好著畱於該省以遊擊升補先換頂帶德安營守備葛以敦訓練認真能得兵心著以都司儘先升用先換頂帶六品翎頂竹山協把總劉富成打仗奮勇膽氣甚壯著以千總升補湖北宜昌府知府李壽彭闢茸無能諸務廢弛歸州知州何維翰官聲平常輿情不洽署崇陽縣知縣韓印海遇事顛預不知振作巴東縣知縣額爾琿任性妄爲聲名甚劣代理鄖縣知縣鄖陽府經歷喬淑曾心地糊塗不堪造就均著卽行革職鄖縣知縣梁光釗嘉魚縣知縣郭種德性情迂鈍著以教職改選施南協副將耿文錦年老衰頹難期得力著卽勒令休致湖北荊州城守營參將慶福畏葸無能施南協中軍都司富興性耽安逸不得兵心武昌城守

張大司馬奏稿卷四

六

營中軍守備喬廷魁性情狡猾著一併革職湖南署寶慶府知府卽補知府聯魁辦事勤能鋤除積匪地方賴以安定著遇有知府缺出不論繁簡儘先補用并賞加道銜署武岡州知州茶陵州知州葆亨勤奮明幹屢獲積匪知州銜常甯縣知縣戚天保遇事明決爲守兼優耒陽縣知縣唐逢辰老成穩練甚得民心均著以同知直隸州儘先升用唐逢辰著先換頂帶湖南省升用遊擊塔齊布前據在籍侍郎曾國藩保奏該員奮勇耐勞能得兵心已有旨賞加副將升銜茲復據稱該員膽識俱壯訓練認真澧州營參將景輝整飭營務日有起色均著以副將升用宜章營都司積拉明阿膽識俱優著以參將升用永綏協千總熊興柏永綏廳屯把總

張萬書永定營六品藍翎把總向方得打仗奮勇膽氣甚壯熊興柏著以守備升用先換頂帶張萬書向方得均著以千總儘先升用湖南署臨湘縣知縣周繼芬居心卑鄙聲名平常東安縣知縣王怡善性耽安逸難期振作署巴陵縣知縣陳正義貌似有才心殊狡猾均著革職臨武縣知縣張長庚久病戀棧署東安縣知縣余煥南才識迂拘均著勒令休致甯鄉縣知縣齊德五操守尙好才具中平與該處人地不宜著撤回另補湖南永州鎮總兵孫應照不諳軍務近又多病前據兵部議奏失守城池各員已將該員革職長沙協副將清德庸懦卑鄙營務廢弛前據曾國藩奏參已有旨將該員革職拏問交該督等訊明擬奏署寶慶協副將張寅恭性情乖謬訓練并不認真著卽革職湖南丁憂在籍委員同知借挑廣西知州張榮組勦辦醴陵攸縣安仁桂東各處土匪屢著勞績膽識俱優著俟服闋後以知府遇缺選用先換頂帶該部知道欽此

漢陽同知張曜孫失守處分請免置議片

咸豐二年六月二十二日

再臣前閱邸鈔奉

上諭江忠源奏請將熟悉江南地勢之員帶赴軍營等語湖北漢陽府同知張曜孫著准其帶赴軍營差遣委用其失守漢陽府城應得罪名仍著刑部按律定擬具奏欽此查漢陽同知分駐漢口并無城垣監獄倉庫亦無官兵分防該同知張曜孫歷任武昌漢陽縣知縣夙著循聲輿情甚洽漢口爲五方雜處之地該員查緝奸宄合鎮肅然上年冬粵逆陷岳州該員倉卒募集壯勇力圖捍禦甫數日而賊已大至比漢陽府城被賊攻陷該員知事不可爲遂衣冠自經該地民人解救登舟護送至鍾祥縣半途始省人事

張大司馬奏稿卷四

六

賊退卽回省自陳臣自抵楚以來延訪官紳士民從前官吏賢否輿論所與不過數人該員卽其一也方賊之攻桂林不克也該員

上書前撫

臣龔裕請函商督

臣程喬采速進兵廣西興安縣扼五

嶺之險斷賊犯楚之道所言山川形勢甚辨及賊圍長沙籌畫湖北水陸攻守之法亦多可采前撫

臣督

臣不能用時論惜之御史

王茂蔭前奏保舉人才稱該員才智過人未爲無據

臣等遵查失

守城池各員未將該員開列實以該員分駐漢口與漢陽府并不同城且無倉庫監獄之責亦無分防官兵與失事各員有間未便將其列入嗣經幫辦軍務湖北臬司江忠源以該員熟悉江南地勢奏請帶赴軍營該員前奉

臣

等札委赴武昌縣勸諭捐輸尙有

經手事件適江忠源改赴江西省城未及隨同前往臣因人材可惜該員又與失守各員情事迥殊可否仰懇

天恩免其置議謹據實直陳伏乞

聖鑒訓示謹 奏

硃批另有旨欽此

咸豐三年七月初六日內閣奉

上諭張亮基奏請將獲咎之同知免其置議等語據稱漢陽同知張曜孫分駐漢口并無城垣監獄倉庫之責亦無官兵分防與失事各員有間張曜孫著免其治罪仍著革職交該署督差委以觀後效餘著照所議辦理該部知道欽此

保獎捐輸官紳片

咸豐三年六月二十二日會銜

再湖北自粵逆蹂躪之後公私罄盡庫款蕩然兵餉浩繁不得不藉捐輸爲挹注之計見值水陸交防徵調益急艱難拮据之狀不想可知臣前與撫臣等先後出示剴切曉諭并委員分赴未經被擾各州縣傳集殷商富紳委婉開導諭以毀家紓難之義動以遜格獎敘之榮急公好義者固不乏人而藉詞推卸延抗阻撓者亦復不少見據各州縣稟報捐有成數者甚屬寥寥臣等仍催飭各屬上緊敦勸務期於經費有裨茲據布政使岳興阿詳稱籍隸湖南卽選同知蔣徵萃呈捐庫平銀一萬四千二百五十兩籍隸湖北新授安徽布政使劉裕鈐赴任路過省城目擊桑梓艱虞愴懷

張大司馬奏稿卷四

三

綦切呈捐銀一萬兩以佐軍餉又天門縣生員熊蒞捐大錢一萬串合庫平銀五千五百兩該官紳等慕義輸將情殷報效核與專摺請獎之例相符卽選同知蔣徵萃請以道員分發省分補用生員熊蒞請

賞給道銜以爲急公者勸安徽布政使劉裕鈐係二品大員應如何

加恩獎敘之處伏候

聖裁謹會同湖北巡撫臣崇綸附片具奏伏乞

聖鑒訓示謹 奏

硃批另有旨欽此

咸豐三年七月初六日內閣奉

上諭張亮基奏官紳捐助軍餉請予獎敘等語卽選同知蔣徵萃著以道員分發補用天門縣生員熊蒞著賞給道銜新授安徽布政使劉裕鈐著該署督查明該員子弟酌擬具奏請獎候朕施恩欽此

河南賊匪竄楚水陸夾擊獲勝摺

咸豐三年七月初九日
會湖北巡撫崇綸銜

奏爲賊匪由河南竄楚調集兵勇水陸夾擊疊次大獲勝仗見飭前後遮截以期悉數殄滅恭摺由驛奏祈

聖鑒事竊

臣前因賊匪竄擾河南新鄭許州一帶取道西平直

徇信陽之耗當飛調官兵一千七百餘名交前湖北藩司唐樹義

統領馳赴應山孝感北界一帶相地分布扼要堵剿并勸諭紳團

互相聯絡彼此策應一切籌辦情形已於六月二十二日由驛馳

奏在案嗣聞賊竄河南之羅山縣距湖北孝感北界九里關及黃

陂北界河口一帶不遠

臣等卽飛咨唐樹義迅飭都司善保許連

城周祿等分兵探明賊蹤迎頭截剿一面分飭黃安麻城各縣一

張大司馬奏稿卷四

三

體加意嚴防賊匪誦知應山孝感黃陂一帶防禦嚴固卽改由間

道繞竄羅山縣之仙花店該處與湖北黃安縣毗連山徑叢錯署

黃安縣知縣王頌三馳赴沿邊各處督飭鄉團防禦探報賊匪駐

仙花店者尙三千餘人內騎馬賊六七百餘名稟催官兵馳往援

應

臣等卽催善保等所帶官兵迅由河口馳赴黃安縣扼險進剿

賊誦知官兵將到於二十七日戌刻竄入黃安縣聞官兵已從山

徑追至卽於是夜由東南竄去

臣等預慮賊匪由麻城黃岡所轄

各小河擄船闖入大江則南可由陸路通江西下可順流達江西

安徽上可逆流竄擾武漢見值江湖盛漲水路四處可通用船載

兵環剿難期得力先飭都司董玉龍帶兵四百餘名駐紮團風鎮

復飛飭前漢陽同知張曜孫帶兵六百餘名卸署鍾祥縣知縣李
塹會同守備柴文玉帶兵三百名候補知縣劉士哲帶勇三百名
守備葛以敦帶兵三百名署漢口同知伍煜雲南都司謝周綺帶
勇三百餘名均由省城馳赴團風鎮驚公頸一帶地方扼賊由內
河入江之路相機迎剿一面嚴飭都司善保許連城等所帶各路
官兵由後路跟蹤緊追分撥甫定探報賊匪於二十九日竄擾麻
城縣之宋埠鎮正在擄船裝載前藩司唐樹義馳赴黃安縣嚴督
後路追師於二十九夜赶到三十日卯刻我兵分兩路從街口進
攻殺賊二百餘名內長髮賊五十餘名生擒賊匪十餘名內長髮
賊目三名訊皆廣西湖南人卽於軍前正法奪獲偽太平天國春

張大司馬奏稿卷四

三

官正丞相大黃旂一面銅礮一尊長矛烏槍數十件黃紅頭巾號
衣數十件正酣戰間賊匪五六百人從橫街撲出都司善保先退
所帶之兵隨之外委殷開山楊飛熊向前攔截殺斃賊匪數名生
擒數名鄉勇屈姓復帶勇殺賊數十人賊始紛紛敗退我兵受傷
十餘名陣亡二名賊於是日卽分水陸前竄歧亭一帶因輜重甚
多宋埠所擄船隻不敷裝載沿河擄取竹簾希圖由團風鎮擄船
潛出大江分擾各處初一日賊至新洲適臣等所遣都司董玉龍
已帶兵紮營驚公頸地方前漢陽同知張曜孫署鍾祥縣知縣李
塹守備柴文玉葛以敦候補知縣劉士哲署漢陽同知伍煜雲南
都司謝周綺等所帶之兵勇亦於是日陸續赶到賊匪於初二日

由新洲乘船南下岸上之賊騎馬同行申刻出辛家沖口馬蟻湖猝遇張曜孫等所帶兵勇倉皇失措張曜孫等麾兵勇乘船前進該處四面被淹半係沮洳之地我兵鳧水直前立斬手執大黃旂賊目一名戮斃賊匪十數名開放連環槍礮斃賊無算賊猶拌命抗拒分兩路將由岸抄襲我兵後路我兵分半鳧水直前搏戰分半迎拒抄襲之賊鏖戰兩時之久斃賊二百餘名生擒長髮賊十餘名奪獲賊馬一百五十六匹旂幟槍矛無算時日已向晚賊猶未退我兵仍植立水中防賊船奪路逃竄是夜岸上賊匪拆毀民屋搭造浮橋意欲潛渡船上之賊合夥奔竄我兵鳧水向前將賊浮橋拆斷岸上官兵仍開放連環槍礮轟斃無算其投水溺斃者

張大司馬奏稿卷四

五

亦無算賊知官兵層層布置嚴密勢難出江始由湖折回辛家沖初三日卯刻署漢陽同知伍煜候補知縣劉士哲等帶兵勇乘船緊追我後路追兵許連城等已到新洲該逆知前後受敵萬無生路卽於是夜分兩路拌命逃走一小股由水路坐船竄向東湖一大股由山徑竄往馬鞍山初四日卯刻署漢陽同知伍煜帶勇由東湖追賊至張家集賊匪見官兵揚帆追至紛紛鳧水登岸淹斃無數生擒賊匪四十餘名奪獲賊船三十七隻燒燬賊船十數隻奪獲騾馬四十四匹黃風帽一頂紅風帽二頂大黃旂二杆刀矛三十餘件火藥一桶鉛子一桶鞍韉三十餘盤太平號衣紅布包巾各四十餘件其分竄馬鞍山一股約千餘人正在造飯都司許連

城把總劉富成廩生林天直等督帶兵勇躡蹤追及賊匪倉卒上山拒敵我兵三路搶上山頂三面轟擊把總劉富成舞刀前行衝突賊陣所向披靡斬長髮賊八名守備周祿把總吳明山亦斬擒數名都司許連城守備劉國楨督兵繼進斃賊二百餘內長髮賊五十餘名生擒五十餘名奪獲賊馬十餘匹大黃旗四杆器械多件餘匪棄械逃竄山谷因天氣漸黑雨淋路滑我兵空腹追賊一晝夜行走一百三十餘里未及歇息不能再進是夜卽依山紮營此六月三十日以後七月初四夜以前疊次勦賊大獲勝仗之實在情形也見在伍燿等帶勇由水路繞赴上巴河一帶張曜孫李棟等帶兵繞赴羅田一帶皆係攔頭迎擊之兵許連城等所帶之

張大司馬奏稿卷四

五

兵跟追由馬鞍山竄去股匪據各路稟報賊勢已極窮蹙除臨陣殲擒外其成股者不過二三百人餘皆棄械薙髮紛紛逃匿臣等已預飭各州縣曉諭各鄉團遇有零星賊匪竄入境卽行網獻訊明給賞復嚴飭各路帶兵文武四面迅速兜勦務將此股賊匪悉數殲除毋任一名漏網并預飭各州縣將各要路多設陷穽水路將船隻提開橋梁撤拆諒茲股匪或不致乘虛免脫貽害鄰疆至連日接仗之出力文武兵勇及臨陣不肯向前之弁兵以及陣亡兵勇陣斬賊匪名目此次未及詳陳緣追賊緊急該文武等晝夜奔馳刻無暇晷軍中文報只約略數語勢不能詳悉曲盡統俟事竣核明具奏謹將賊匪南竄連獲勝仗見在辦理各緣由先行

馳奏仰慰

聖懷再湖北提督係臣張亮基暫行兼署毋庸列銜理合聲明伏

乞

皇上聖鑒訓示謹 奏

硃批另有旨欽此

張大司馬奏稿卷四

美

附陳各路賊情片

咸豐三年七月初九日
會湖北巡撫崇綸銜

再據生擒各匪及逃散難民供稱由滁北竄股匪共有九軍約三萬餘名其中能戰者實不過二三千人賊中大小頭目多係兩廣兩湖人以及各府州縣監犯軍犯其安徽江南揚州所擄之人多不善戰已渡河者萬餘人折回南竄者不過四千餘人沿途裹脅不多遇有死亡始以新擄之人充數臣接據河南撫臣移咨稱竄楚餘賊不過數百各州縣稟報則均稱萬餘其實由羅山仙花店入黃安及抵麻城縣所轄之宋埠確有三千餘人不獨犯供眾口一詞抑且萬目共覩計自六月三十日接仗至七月初四日兵勇擒斬轟斃已近千名其溺斃逃散者不計其數臣等密遣員弁覘

張大司馬奏稿卷四

七

視外江內湖浮出賊屍實已不少見尙分途兜剿是竄楚股匪不止數百確有明徵又據探報前月二十四日賊匪又有大船千隻由湖口駛入江西號稱有賊二萬合之見在攻撲江西省城之賊計當不下兩三萬人是由揚州江南兩處竄出之賊共計已有七八萬之多乃分竄江西河南之賊愈見其多而困守江南揚州之賊仍不見其少前此大營尙時有捷報近反闐寂無聞賊逸我勞賊銳我鈍師老餉竭言之寒心且長江自金陵至江西一千數百里毫無阻遏賊船來往自如前月初旬江西賊船百餘隻滿載米糧遠饋江南之賊今值秋成伊邇野有餘糧賊匪轉輸甚易恐江南之賊將無坐困之期或且乘間突出大舉他竄尤屬不堪設想

伏乞

皇上申諭行間文武各上平賊方略痛除諱飾延玩積習激厲將士限日克復庶寇氛得以迅速蕩平各處土匪亦當聞風斂戢矣
臣等愚昧之見是否有當謹附片直陳伏乞

聖鑒訓示謹 奏

硃批所見甚是見踞三城之賊未見有滅於前而各處分竄幾於策應不及不知已後之局若何惟有懇祈

天鑒速赦民劫而已掩敗爲勝軍營通病每獲小勝極力鋪張不知勝報到來朕必有降旨獨不慮及爲賊所笑耶汝等旣出此言必應事事從實也欽此

張大司馬奏稿卷四

六

勦辦河南竄楚賊匪出力員弁兵勇請

旨獎敘摺

咸豐三年八月閏日會湖

北巡撫
崇綸銜

奏爲查明勦賊出力員弁兵勇請

旨獎敘以昭激勸事竊臣等前奏粵賊由河南竄楚調集兵勇水陸夾擊疊次獲勝賊黨窮蹙四散情形七月二十六日奉

上諭張亮基等奏賊匪南竄楚境疊獲勝仗一招豫省賊匪由羅山縣竄入湖北黃安麻城一帶經該署督等派委文武兵勇水陸夾擊疊獲勝仗除臨陣殲擒外其餘股匪不過二三百人賊勢窮蹙已極勦辦尙屬迅速該署督等已飭各州縣曉諭各鄉團遇有零星賊匪竄入卽行緝獻并飭將各要路多設陷穽水路將船隻

張大司馬奏稿卷四

元

提開橋梁撤拆布置亦合機宜楚北當兵燹之餘豈堪再遭蹂躪張亮基等務當嚴飭各路帶兵文武趁此賊勢潰散四面兜勦將此股逆賊悉數殲除萬不可任其餘燼復然致滋蔓延都司善保臨陣先退著卽查明參奏其接仗出力之員弁兵勇并陣亡兵勇斬擒賊匪名目均著詳晰查明具奏欽此臣等跪誦之下仰見我皇上申明賞罰戡亂安民之至意欽感難名竊自粵賊由河南間道竄入楚境星夜馳踞麻城縣屬之宋埠鎮經臣等預飭已革漢陽同知張曜孫署漢陽同知伍烺卽補同知劉士哲本任孝感縣知縣李塬雲南大挑教職吳嗣仲都司董玉龍謝周綺葛以敦守備柴文玉把總會毓琪等嚴督兵勇迎擊之團風鎮驚公頸地方

前藩司唐樹義督飭儘先遊擊都司許連城都司周祿黃陂縣千總劉富成廩生林天直等率兵勇追至要之於馬鞍山水陸疊次大獲勝仗七月初四日以前情形業經_臣等奏明在案其時賊勢已極窮蹙紛紛薙髮棄械零星逃竄該文武等亦率兵勇分途躡蹤追捕其由東湖水路出巴河之賊擄民船五隻甫抵黃石港上岸攫食適署漢陽同知伍煒帶勇乘船追至當將賊船撐開分勇上岸圍剿畱半在船以待賊回迎擊岸上之賊聞官兵追至卽覓路上船各勇直前格鬪截斃賊匪十二名生擒二名賊匪窘極撲水逃竄船上之勇連開鳥槍擊之泗水溺斃者無數餘賊八名奪路逃逸其未出巴河者適前武昌同知勞光泰以船載礮帶廣勇

張大司馬奏稿卷四

三

駛至生擒三名擊斃十數名餘匪復折回由陸路紛竄其由馬鞍山陸路敗遁之賊都司許連城等挑選兵勇數百名跟蹤追剿餘畱搜捕零匪蘄水縣知縣劉繁帶兵勇追賊至花羔石斃賊十餘名生擒二名麻城縣知縣姚國振帶勇追賊於南湖畱殺賊十一名其初四夜狂竄東去得脫者僅二百餘人皆已薙髮脫去號衣黎明過羅田僞稱官兵追賊且食且走逮官兵追至居民方悟其詐而賊去已遠初六日卽竄入皖境_臣等前已飛咨安徽撫_臣飭屬堵截及接都司許連城來稟賊已入皖慮其沿途裹脅日眾且皖省南境并無重兵我兵從後尾追恐已無及卽飛飭知縣李棟都司董玉龍督帶兵勇五百餘名由水路馳赴安徽迎頭協剿張

曜孫等由陸路抄擊之兵馳抵羅田賊匪已於前一日由羅田竄過卽回兵黃州沿途搜捕薙髮新竄之賊擒斬三十餘名嗣據知縣李楨都司董玉龍稟報該員等帶兵勇行抵安慶府屬之石牌江見前臬司張熙宇據云零匪由石牌登陸當經督率兵勇迎擊殲斃多名其駛出大江者約計不過三四船無從追擊該員等始撤兵回楚統計粵賊自河南飛馳入楚約計三千餘人馬五六百匹輜重無數方其馳踞宋埠也意圖擄船入江設使團風鎮鵞公頸一帶戒備不預賊船闌入大江不特沿江州縣受其荼毒且該處距省城僅一百三十里順風半日可至虛聲吶喝武漢震驚禍將有不可測者

臣

等盡起武昌防城兵勇捲甲疾趨齊赴該處力

張大司馬奏稿卷四

三

扼其險并派兵勇分布各處防其潰竄時武漢兩城兵丁不及干名人心怖駭一日數驚比捷報杳來羣情漸定各商民亦私自遣人偵探吉語頻聞浹旬之間賊氛迅埽始皆額手歡呼轉憂爲喜黃安黃岡麻城羅田各處幸免蹂躪賊蹤所到地方貧民拾取所棄輜重有頓成富室者富民見官兵奮勇殺賊知追賊緊急未齎行糧有出米豆以餉兵者有公釐銀幣以犒師者殘破之餘漸回生氣此皆

聖主德威所致而亦諸將士踊躍用命之效也計陣斬賊首偽總制羅姓偽拯危陶姓鍾姓皆廣東滿髮老賊經活賊偽聽使陳亞四認明賊中皆呼爲大人而不能舉其名字宋埠槍斃一賊首賊

黨殲以大棺祕埋山下賊退之後始據居民告知當經把總吳明
山等劈棺驗視係滿髮老賊年約三十餘其屍徧用黃綾纏裹頭
戴黃邊風帽胸膛爲擡槍子所洞亦不知其名姓其生擒正法者
僞旅帥李子龍僞監軍周大興鄭亞約排刀手王亞五潘亞庚僞
兩司馬江江紅仔陳夢載鄧亞垣張賴甫李五第黎亞孟李大周瀾
安張罄及張廣宗程長化胡正元唐國化文六順等皆廣東廣西
湖南及江南之邳州人其提解尙未處決及已審明正法者羅祥
林容林余教隴牛有麒魏正興等三十餘名皆湖南湖北人其訊
明被擄准遞籍保釋者夏兆興等一百數十名皆江南安徽河南
人其臨陣被礮轟斃及撲水溺斃者有無首要各犯在內屍首發

張大司馬奏稿卷四

三

變或賊黨自行拋棄水中無從指認我兵勇陣亡僅只七名受傷
四十餘名此次疊獲全勝論將士出力等第以驚公頸爲多馬鞍
山次之宋埠又次之宋埠之戰大兵兩路進剿擒斬甚眾都司善
保臨陣退縮策馬先逃幾致大潰宜昌千總王長安中途逗畱不
進把總陳得茂委解軍火十七日僅行三百餘里實屬退縮藐曠
貽誤軍機應請

旨革職發往新疆抑或從重軍法從事伏候

聖裁其餘文武員弁兵勇不避危險晝夜追剿著有微勞等未
敢沒其勞績除由外拔補賞給功牌咨部外謹擇其實在尤爲出
力者開單酌保伏懇

皇上天恩優加獎敘庶賞罰明而士氣自振軍威肅而撻伐益神矣所有遵

旨詳悉查明各緣由謹合詞恭摺具奏伏乞

聖鑒訓示施行謹 奏

硃批另有旨欽此

張大司馬奏稿卷四

三

遵 旨籌辦船礮摺

咸豐三年八月十三日會湖北巡撫崇綸署湖南巡撫駱秉章街

奏爲遵

旨籌備船礮以利攻剿謹將辦理情形據實陳奏仰祈

聖鑒事竊_臣等於七月十六日承准軍機大臣字寄咸豐三年七

月初七日奉

上諭前因賊匪攻陷江甯揚州防其被創後沿江回竄當經諭令該督撫等及早安排船礮以備不虞并資下游調撥攻剿之用數月未見覆奏諒因需款難籌姑從緩計本日據御史黃經奏稱賊船佔踞江面必須上游速備船隻酌撥將弁統帶乘風順流東下直抵金陵向榮陸攻東南舟師攻其西北知會下游水艇合力兜

張大司馬奏稿卷四

四

圍等語賊匪佔踞長江來往自由總因我兵不能於江面攻擊致令蔓延該御史所奏自係目前緊要機宜勢難暫緩著張亮基崇綸駱秉章等卽於各路水師船隻酌量調撥或設法雇備民船多隻配帶礮位揀派得力將弁管駕自上游駛赴金陵與陸路官兵合力攻剿并與下游艇船兩面合剿方可肅清江面埽盡賊蹤惟所需經費較鉅此時甚難籌畫該省無論何款儘可先其所急暫行動用仍當飭部另籌歸款或有紳民團練人等情願雇備船礮隨同剿賊者該督撫等隨時保奏獎勵此係切要急務慎勿因辦理爲難稍存諉卸也欽此七月二十六日復欽奉

寄諭前有旨令該署督等預備船礮兵勇駛赴下游以助金陵攻

勦并可截斷賊匪江面往來之路此係緊要機宜業由部籌撥銀二十萬兩以作經費張亮基等卽飭屬迅速辦理該省無論何款先行籌撥俟部撥到時歸款毋稍遲誤欽此仰見我

皇上洞燭幾先

神謨廣運慮諸將奏功之緩輔以戈船念

臣

等籌費之艱資以鄰

餉跪誦之下欽感難名竊自粵逆竄踞金陵鎮江揚州相繼告陷所擄江船無算往來旬結飄忽靡常自金陵上至豫章江路梗塞見在江西尚未解圍賊船沿江上下大兵陸路相持坐視狂賊縱橫未由控遏長江之險棄之不守殊爲非計

臣

等春間遵

旨雇覓大小船四百餘隻駛往大營又於議覆尙書奕湘編簿安

張大司馬奏稿卷四

三

礮片內擬合安徽江西湖北三省全力進扼東西梁山亦未嘗不顧慮及此茲復欽奉

上諭諄切指示

臣

等接奉

諭旨卽公同面商竊惟湖北湖南被賊竄擾之後水師船隻及商民各船多被逆賊擄去其笨滯稍不適用者卽遭燒燬一時實難雇覓該船戶等未習戰鬪之事諭以受雇打仗輒多不願難以相強且江中接仗純恃舵工卽使習知水性技藝嫻熟而膽氣不優亦虞僨事又一船頭舵水手大者或十餘人小者或四五人旣須給與雇價又須給與工價口糧如有破損又須代爲修整所費不貲而所雇之人難期得力賊可劫以威官難迫以勢此雇船之難

也戰船以西洋爲佳其次則廣東福建水師所製亦皆合用然木料之堅脆所產攸殊工匠之巧拙所習各異又有宜海不宜江宜深不宜淺宜平水不宜流水之別縱令工匠料物均易應手而一船之成非止旬日見在亟須應用未便曠日興修此造船之難也臣等因思民船不願受雇而平其價以買之則未嘗不願也民船不便接仗而因其船而改修之則又未嘗不便也於是遂定爲買船更造之局查因事革職前武昌同知勞光泰係廣東人已革漢陽同知張曜孫係江蘇人該兩員前因英夷犯順時曾講求船礮之利於製船鑄礮造熟鐵礮一切均曾用心頗有見解人亦廉幹又香山礮勇在湖北者尙有一百餘人若輩使船開礮頗爲慣便

張大司馬奏稿卷四

美

臣等卽札委兩員估買江船改造并使礮勇得旁參末議使造船之人與使船之人兩相質證庶幾可收製船之利昨已改造四隻臣等親臨江干試驗似尙可用其有未盡者仍飭再爲損益務臻妥善雖未能如粵中製造之精然較之僱雇民船則所費不多而尤爲適用將來大功告成湖南湖北得此等戰船百號頻加修艤練習水師便可重江湖之險使奸匪盜賊不致生心亦未嘗非一勞永逸之計湖北見擬估買江船五十隻臣駱秉章亦擬飭屬速買鈞船寶慶安化舢舨大小撥船共五十隻運赴湖北以便一律改造所需各船皆取其木料堅固身長而狹者宜於江行改造易爲合用每大船一隻以中船一隻小船二隻輔之此籌備戰船

之情形也鐵礮不及銅礮鑄生鐵礮不如製熟鐵礮斤重相同而熟鐵礮食藥可多至一倍無炸裂之虞且體質輕便施之於船尤宜惟熟鐵礮打造費工刻難集事臣等飭勞光泰張曜孫等臣駱秉章亦飭省局委員一體趕緊打造一面將湖北截留之解京滇銅交勞光泰張曜孫等造模監鑄大者以五百斤爲率均飭提煉淨盡以期利用又火藥製作極精亦可多收一倍之力臣等見飭揀發參將札勒罕等將局存火藥監視工役加工舂杵此籌辦礮與火藥之情形也至於戰船看舵管篷非熟習水手不能尤須膽氣強壯者方可勝任見擬於巴東宜昌一帶招募三數百人以充其選湖南湖北水師有名無實軍政廢弛已久水師不但不習水

張大司馬奏稿卷四

七

性且膽技尙不如陸路兵丁之強自以礮船載陸兵爲妥然非俟兵勇齊集之後練習旬餘亦殊難放心合計大號船百隻中號百隻小者二百隻需用兵勇九千餘人兩省合辦恐亦難挑選足額俟再面商定議此籌備兵勇之情形也至此項經費甚鉅欽奉

諭旨無論何款准其暫行動用并准部

臣

咨開卽撥粵東上年欠

解湖南之款二十萬兩以資急用查湖南庫款空虛見在正盼粵東已撥未解之項接濟

臣

駱秉章前已委員馳赴粵東守催至於

湖北則公私蕩盡銖黍無存

臣

等自受事以來蒙

恩准撥銀十萬兩

臣

等竭力支持半年之間朝不謀夕通城廣濟

土匪大局甫定接辦江防江防之局甫定接辦南竄粵匪常例經

出之費本已不貲意外餉兵之需復又疊出焦勞困迫支絀萬端昨據藩司岳興阿面稟庫存之銀不過數千兩實屬無款可挪當此時局艱難

國用匱乏之時臣等自恨生財無道可紓

宵旰憂勤更何忍以困憊情形上煩

聖慮見飭官紳共相勸諭慷慨捐輸復諭承辦各員共矢天良加意撙節有一錢且作一錢之事有一錢必得一錢之用務期船礮早成軍威克壯粵賊早平一日

聖懷早寬一日天下臣民亦早得息肩一日斷不敢畏難遷就自外

張大司馬奏稿卷四

奏

生成至廣東應解湖南之二十萬兩上年冬卽經部撥未據粵東解到前准部咨督臣葉名琛又奏畱此項爲江西湖南兩省借鹽成本茲准戶部指爲籌辦船礮之需可否仰懇

皇上天恩敕下廣東督臣迅將此項委員解赴湖南則湖北尙可通挪提用又四川距湖北尙近如該省尙有閒款可借能暫借銀十萬兩以應急用更爲得濟臣等不敢稍存觀望之見亦不敢預存期必之見惟趕緊籌辦期於迅速以慰

宸廑所有遵

旨籌辦緣由謹另繪呈船式圖說合詞具奏伏乞聖鑒訓示施行謹 奏

謹將改造戰船配撥礮位兵勇章程開呈

御覽

一造大號船一百隻中號船一百隻小號船二百隻大號船長八丈或七丈餘寬一丈餘槳二十四中號船長三丈寬九尺槳十二小號船長一丈二尺寬五尺槳四

一大號船收買鈎鉤船麻陽小撥等船照廣東巡江扒船式改造船身加密釘油艙兩旁加大木作船肋艙面加長杉二條自首至尾用大釘裝固以作船骨兩邊作木欄杆懸挂溼絮竹片以禦槍礮火器排列木樁上安擡礮百勝礮悉去船篷改用布幕以防火器艙面空廠兵勇住宿艙底中號船收買二號擺江改造小號

張大司馬奏稿卷四

三

船卽用魚船改造

一大號船配五百斤大礮二尊頭尾各一子母礮二尊安置兩旁擡礮百勝礮四杆中號船配二百斤礮一尊子母礮一尊擡礮百勝礮二杆鳥槍四杆小號船配鳥槍二杆共五百斤大礮二百尊擡礮百勝礮六百杆鳥槍八百杆

一大號船配五百斤大礮二尊須配兵勇四人子母礮二尊須配兵勇六人擡礮四杆配兵勇十二人頭舵工四人號令二人水勇二十四人計大船共五十二人總共五千二百人中船共三十三人總共三千三百人小船共五人總共五百人共需兵勇九千五百人

一頭舵工及盪槳水手共四千七百人宜募船戶水手諳練能識水性者點充號令三百人卽於各營挑選點充其餘皆以陸路兵挑派如水手一時難如數挑派盪槳卽以陸路兵代

一每大船一隻領中船一隻小船二隻爲一隊委一員弁領之二十隊爲一軍委一官督領五十隊委一大員總領教練戰陣賞罰號令皆責成督領之員每一船之長卽於舵頭水勇內擇才具出眾者點充一隊之員弁於佐雜千把內揀選必才具諳練能耐勤苦心地方正者方能勝任先令文武大員各舉所知再行揀選其不足者於紳士中選充

一大小船四百隻分爲五軍以前後左右中編之旂色卽按方位

張大司馬奏稿卷四

旱

進退分合節以金鼓旂幟仿陸路行陣之法略爲變通

硃批另有旨欽此

李防禦熟悉水師請調來楚驗視戰船片

咸豐三年八月十三日
會湖北巡撫崇綸銜

再臣等於水師戰船一切未曾親歷湖南湖北兩省中亦無熟諳水戰之人是否辦理合式究難放心撫臣崇綸前在廣東會聞有防禦李松柏者於水師營務尙爲熟悉該員見在調赴金陵大營可否請

旨敕

欽差大臣向榮飭委來楚驗視更爲妥善謹附片具奏伏乞

聖鑒施行謹 奏

硃批另有旨欽此

張大司馬奏稿卷四

四

招回難民查驗資遣回籍片

咸豐三年八月十三日
會湖北巡撫崇綸銜

再粵逆攻撲江西省城時有賊船自金陵上竄臣等曾遣人將前擬解散脅從告示持往江西九江湖口一帶徧貼曉諭復經委辦江防之糧道徐豐玉漢黃德道張汝瀛多造免死木牌沿江放下復遣管帶襄勇之襄陽生員王朝望管帶瀘溪練勇卽選府經縣丞李錦鑾等帶勇前往哨探賊蹤遇有被擄難民不甘從逆者許棄械薙髮赴卡報明姓名籍貫給票護送回籍屢據該道稟稱李錦鑾王朝望等在九江之徐家灣及湖口之八里江等處盤獲賊船六隻被擄難民已薙髮之姚明善等十一名未薙髮之馮東發等四名又在九江水面招回小撥船三隻船戶水手共二十八名

張大司馬奏稿卷四

呈

又於田家鎮下十五里之彭塘地方盤獲鴉稍船三隻船戶李成水手朱福太等二十五名茲復據該道等稟稱該難民等知伺便逃去可望生全其被擄不甘者多薙髮棄械紛紛來報已據先後逃出湖南船三十二隻船戶蕭清裕及難民共三百二十餘名陸續赴卡自陳該道等委員查驗均已薙髮舟中并無違禁器械一一詢明姓名籍貫發給傳單資遣回籍臣等竊思粵逆死黨不過數千屢經粵楚剿敗所存能有幾何除各處會匪盜賊痞棍及在配軍犯與放出監卡之犯均屬甘心從逆愍不畏死斷難望其悔罪歸誠此外所擄難民被賊徧脅急欲自脫者計亦不下十之八九不過因賊中鈐束甚嚴殺戮太慘彼此隔絕不能通謀又恐逃

出後途遇官兵鄉團復遭殺害因此懷疑不決者亦往往而有見
在江西屢獲勝仗兵氣漸揚被擄難民於船隻駛風之時亦易逃
脫若乘機設法解散或易得手惟須防賊匪詭計從而混入見飭
該道等妥慎布置務期解散之中仍寓盤詰之意俾難民得荷生
全而奸匪無從詭託以仰副

聖主戡亂安民之至意所有招回難民緣由謹附片具奏伏乞
聖鑒訓示施行謹 奏
硃批另有旨欽此

張大司馬奏稿卷四

聖

請將部議革職之積參將暫畱宜章署任片

咸豐三年八月十三日

再上年湖南郴州失守專汛官係正任千總吳延光業經飭解赴省查辦所有兼轄官係畱署宜章營參將積拉明阿八月初四日准兵部咨議以革職應得罪名移咨刑部核議自應將該署參將撤任聽候部議惟查宜章一營南接廣東陽山東南接廣東乳源爲廣東入楚首站山徑叢錯向爲幫匪出沒之所乳源奸匪最多近年益肆猖獗屢釀搶劫戕官巨案見值賊氛未靖亂民勾結爲奸四播謠言羣謀不逞桂東之戕害汎弁水東鹽埠之搶劫殺人賊眾動以千計其明徵也署宜昌營參將積拉明阿臣未見其人惟因邊圉緊要頻加訪察稔知該將屢經出師膽技尙優訓練亦勤宜章恃以無恐實爲湖南見在將備中不可多得之員是以臣於前次舉劾摺內將該參將列保入奏茲准部咨郴州失守該參將係兼轄之員奏請革職聽候刑部核議該署參將咎有應得臣何敢代乞

張大司馬奏稿卷四

畱

恩施惟是宜昌一營地居緊要又正值多事之秋無論尋常將備不能勝此重任卽令材技出眾堪以委署而人地生疏兵將不習猝遇有警貽誤堪虞該署參將係兼轄之員與專轄統轄武職究有不同仰懇

皇上天恩俯准將該署參將革職仍暫畱署任令其戴罪圖功以觀後效俟地方安靜再爲分別奏請庶要地衝途得資控制而該

革員感戴

鴻恩更當倍加奮勉實於地方軍務有裨愚昧之見是否有當伏乞

聖鑒訓示施行謹 奏

硃批另有旨欽此

咸豐三年八月二十七日奉

上諭張亮基奏請將部議革職之署參將仍畱署任等語已革署湖南宜章營參將積拉明阿著准其暫畱署任戴罪自效欽此

賊船上竄籌辦情形摺

咸豐三年九月初四日
會湖北巡撫崇綸銜

奏爲江西解嚴賊船由湖口上竄九江意圖竄擾楚境見在辦理情形恭摺由驛馳奏仰祈

聖鑒事竊臣等接據防守田家鎮糧道徐豐玉漢黃德道張汝瀛已革高州鎮總兵楊昌泗等稟稱粵逆攻撲江西省城屢經幫辦軍務湖北臬司江忠源督率兵勇疊挫兇鋒該逆被剿敗竄於八月二十三夜上船開行二十六日出湖口二十七日進踞九江府城賊船千餘號溯江游衍礮聲絡繹不絕二十九日午刻水陸并進駛至廣濟縣屬武穴地方距田家鎮防所僅四十餘里徘徊不前似欲以虛聲恫喝覘我動靜該道將等申諭在防將士水陸營

張大司馬奏稿卷四

吳

寨嚴加戒備整軍以待惟賊情叵測知我江防嚴緊或分股從陸路抄擊亦未可定頃准安徽撫臣咨開粵逆分股於八月二十三日進踞安慶府城查田鎮北岸爲黃州府黃梅廣濟蘄州蘄水羅田各府州縣境與安慶府及六安州緊接處處有路可通賊若分股由陸入犯則直據田鎮上游且蘄黃爲自古戰爭之場南北東西四通八達殊爲緊要臣等見飭署臬司唐樹義帶同前漢口同知張曜孫卽補同知劉士哲禮部候補主事胡大任等統領兵勇二千名馳赴蘄黃一帶擇要駐紮廣發哨探如遇賊匪闖入卽便迎頭痛剿一面兼顧田鎮江防互爲犄角所有粵逆上竄辦理情形謹合詞具奏伏乞

聖鑒訓示施行謹 奏

張大司馬奏稿卷四

四

請畱已革道員差委片

咸豐三年九月初四日
會湖北巡撫崇綸銜

再已革湖北荆宜施道文輝因上年防堵白螺磯於粵匪下竄岳州經荆州將軍臣台湧奏參臣等查無退離防所情事惟未能阻賊下竄雖因兵力單薄咎亦難辭當經臣奏奉部議將該道文輝照溺職例革職查該革員年力正強於湖北情形尙爲熟悉茲因江西省城業已解嚴賊匪由湖口上竄九江肆行滋擾楚省見辦防堵總局需員可否仰懇

皇上天恩將該革員文輝畱於湖北聽候差委冀可稍收指臂之助謹合詞附片具奏伏乞

聖鑒訓示謹 奏

張大司馬奏稿卷四

巽

酌撥湖南停運漕米供用片

咸豐三年九月初四日

再湖北省上年粵匪滋擾之江夏漢陽蒲圻武昌黃岡廣濟蘄水蘄州等州縣被難貧民仰蒙

聖恩查辦撫卹業經行據印委各員確查戶口核實辦理惟各屬倉存穀米多已被掠無存又上年被水災緩之處應徵漕南催納不前滿漢各營本年額支兵米不敷較多一時難於籌撥而自逆匪踞擾以後省中庫款闕如復因查辦善後及節次各路防剿費用浩繁已屬萬分掣肘前項撫卹口糧及應補兵米既無可籌之款採買供支卽完善州縣應徵漕南屢因聞警播遷徵解需時緩難濟急

臣

前經咨明湖南省酌撥湖南衡陽清泉湘鄉醴陵等縣

張大司馬奏稿卷四

晃

停運漕米三萬八千二百四十二石九升七合三勺解運來北以供撫卹兵糧之用茲據湖北布政使岳興阿糧儲道徐豐玉會詳前來所有酌撥湖南省停運漕米業已陸續解到除飭俟兌收分案造具收支各數細冊咨部外所有撥解南省漕米運北供用緣由理合附片具奏伏乞

聖鑒謹 奏

拏獲捏報營兵解部審辦片

咸豐三年九月初四日
會湖北巡撫崇綸銜

再_臣等前奉

上諭已革湖南岳州營參將阿克東阿在海州呈遞親供自首兵丁李廷徵捏報情弊顯然仍著該署督查訊具奏并迅將岳州水師兵丁李廷徵并湖北中營目兵邱正清一併押解來京交刑部審辦欽此_臣等查兵丁李廷徵見同阿克東阿之兄巴圖前赴江南大營當卽飛咨

欽差大臣向榮解赴湖北又訪獲邱正清一名飭府縣研訊確情一併委員押解交刑部審辦除錄供咨部外謹將起解李廷徵邱正清緣由附片具奏伏乞

張大司馬奏稿卷四

辛

聖鑒施行謹 奏

勦辦通城廣濟土匪事竣請將出力殉難官紳分別獎卹摺

咸豐三年

九月初四日會湖北巡撫崇綸銜

奏爲勦辦通城廣濟土匪事竣地方一律安靜所有在事出力員弁兵勇紳民懇

恩鼓勵以昭激勸事竊湖北自粵逆竄擾之後土匪蜂起通城首匪劉立簡等糾眾抗糧戕弁燬署崇陽首犯陳申子句結各處盜匪遙相附合旬日之間裹脅至四五千人之多其時嘉魚盜賊亦奪犯燬署戕害官眷風謠四起人心惶惶經臣等奏派臬司江忠源馳往勦辦疊獲勝仗殺賊一千餘名渠魁半已授首大局始定嗣因江忠源奉

張大司馬奏稿卷四

至

旨幫辦軍務復委署漢陽知府張汝瀛馳往接辦疊次入山搜勦擒獲首要各犯羅期仁卽羅經仁吳如山金之利李光泮等七十餘名掩捕著名劇盜劉八謝見柏等一百餘名均經分別凌遲斬梟示眾其嘉魚燬署肆搶戕害官眷首要各犯亦經先後拏獲五十餘名盡法懲治人心稱快地方肅謐可期永遠相安此勦辦通城崇陽土匪之原委也廣濟奸匪方四象等抗糧戕官時值臬司江忠源道過蘄州臣等卽委其便道先後往勦復咨前署提督阿勒經阿札署漢黃德道徐豐玉督帶弁兵馳往勦辦所有三次獲勝情形均經奏明在案臬司江忠源旋卽帶勇馳往九江阿勒經阿會同徐豐玉駐軍廣濟督拏首要各犯旋將首犯方四象張東

銘要犯徐老六王天衢王十麻子吳遂金夏錫加張雲從等二十八名及首犯宋關佑之親屬宋廣珠宋殿超宋應時宋大生宋又生宋啟從等分別凌遲斬決共計陣斬匪徒五百五十餘名生擒五十餘名搜獲正法者五十餘名鄉民震不測之威感不殺之德地方一律肅清居民安堵如故此勦辦廣濟土匪之原委也竊維通城土匪起事之初煽誘迫脅已至四五千入廣濟則倡亂不過百數十人煽誘迫脅數以萬計藉使非剋期蕝事蔓延句結禍且難言仰賴

皇上指授機宜諸將士奮勉用力不踰兼旬均臻枚定其通城禦匪被戕之把總夏開國廣濟被匪戕害之署黃州府知府歧亭同

張大司馬奏稿卷四

三

知邵綸代理廣濟縣知縣本任黃梅縣知縣鮑開運團風司巡檢蔡文熙黃州協把總魯光貴道士汛營額外賈加升等遇難捐軀情殊可憫應請

旨敕部照例賜卹在事出力員弁兵勇紳民除由外記名拔補及業由江西聲明保奏不再行開列外謹擇其尤爲出力者開具清單伏懇

皇上天恩俯准甄敘以昭激勸而勵戎行謹合詞附驛具奏伏乞聖鑒訓示施行謹 奏

調補山東巡撫謝

恩摺

咸豐三年九月初四日

奏爲恭謝

天恩仰祈

聖鑒事

臣接准吏部咨開咸豐三年八月十一日奉

上諭山東巡撫著張亮基調補張亮基見署湖廣總督著俟吳文鎔到任交卸後再赴新任欽此當卽恭設香案望

闕叩頭謝

恩伏念臣一介庸愚忝膺疆寄上年五月自滇中移任湖南受事甫歷四月有餘復權督篆自本年正月十三日接篆以來勉竭顛愚毫無實效晝夜竭蹶奚補時艱迺荷

張大司馬奏稿卷四

三

聖恩高厚移調山東竊念山左爲近畿重地政務殷繁見值黃流未復澹災行水諸費綢繆詰暴籌防猶須經畫如臣迂疏寡效隕越堪虞惟有殫竭血誠遇事勤求以期仰副

生成於萬一俟督臣吳文鎔到楚

微臣

交卸後卽當欽遵

恩旨前赴新任所有

微臣

感激下忱理合具摺叩謝

天恩伏乞

聖鑒訓示謹 奏

逆船猛撲田鎮官軍水陸三捷摺

咸豐三年九月十三日
會湖北巡撫崇綸銜

奏爲逆船猛撲田鎮江防官兵截擊水陸三獲勝仗恭摺具奏仰

慰

聖懷事竊逆賊自江西解圍後進踞九江府城賊船千餘溯江游
衍水陸并進業將籌辦情形奏明在案旋據帶兵防江督糧道徐
豐玉漢黃德道張汝瀛前廣東高州鎮總兵楊昌泗馳報八月三
十日辰刻逆船乘風駛進風帆蔽江礮聲絡繹不絕直撲田鎮防
所陸路賊匪由彭塘分撲岸上營盤糧道徐豐玉漢黃德道張汝
瀛前高州鎮總兵楊昌泗督飭水陸兵勇分途抵拒賊船開放大
礮沿岸行駛譟呼索戰其鋒甚銳我水陸各營兵勇環牆屹立嚴

張大司馬奏稿卷四

雷

陣以待賊船駛近礮丸密如雨下由江心漸至木簾子重者至六
斤有餘我兵恃有牆柵遮蔽毫無懼怯度我礮子可及始看准星
斗從容施放擊沈逆賊大船一隻小船三隻賊匪落水無數其岸
上撲營之賊距營百餘丈我兵越濠開槍轟擊斃賊數十名賊見
水陸勢俱不支卽繞旂退走我陸路兵勇乘勝壓下徐豐玉等迅
督礮船由木簾後衝出賊匪紛紛敗退正在得手之際忽賊船尾
礮子飛落戰船正墜火藥桶中一時轟發千總梁柏臺外委穆開
科等撲水溺斃兵勇損傷數十陸路追賊兵勇回顧戰船火起誤
疑被賊抄截遂止不追賊卽乘機反撲楊昌泗等復督後隊兵勇
向前抵拒賊復敗退初一日天甫明時遙見馮家山腳賊船橫江

而過旋見執大旗賊目帶領賊眾登山窺視營盤搖旗數回卽見賊船無數上駛開礮猛撲該道鎮等料是時西北風緊賊船上撲維艱必係誘我悉力防江得遂其抄襲之詐嚴飭岸上各營准備并添兵接應旋據探報賊分三路每路約千餘人一由武穴上岸一由彭家塘上岸一由馮家山沙洲上岸繞撲田鎮東北二面我兵亦分三路迎擊儘先遊擊都司董玉龍身先士卒衝入賊隊截賊爲二斃賊數十前高州鎮總兵楊昌泗親督兵勇前後夾擊亦斃賊數十名儘先遊擊都司許連城督兵開放連環槍礮斃賊無算賊卻仍前許連城率兵越濠直前轟擊都司曠輔廷參將駱永忠亦各帶兵勇分途痛勦立將手執大黃旗賊目刺斃賊始敗退

張大司馬奏稿卷四

五

各路乘勝掩殺該道等復調戰船兵勇順風下擊大礮火箭齊施直逼賊船焚燬大船二隻約斃賊七八十人賊船亦紛紛卻退其由馮家山渡江賊船亦被礮擊斃十數人其執旗賊目所坐之大船亦被礮擊壞船頭旋轉數次始與餘船一併乘風退去初二日辰刻賊船數百仍從馮家山腳過江被我兵擊沈賊船三隻賊船仍收泊距田鎮十五里之富池口意在從南路襲攻半面山後登峰遙窺知我陸營水寨布置嚴密旋即退去計自八月三十日至九月初二日三次接仗獲勝計斃賊精銳三百餘名擊沈溺斃無算奪獲大方黃旗一面上書太平天國右弼正軍師西王蕭十二字小黃旗上書師帥旅帥者十餘面奪獲礮械槍矛百數十件長

刀短刀無數斬獲首級髮長尺餘者十餘顆貌極兇醜其爲賊目無疑該逆兇鋒大挫揚言俟東北風緊卽直闖田鎮初三日辰刻東北風起該逆從富池口分船數百駛由湖路直抵興國州臣等前遣儘先都司守備任大華等帶兵回剿尙未赶到該州爲江西入楚間道湖汊歧出水路可達通山距大江岸六十餘里賊當風色順利之時避大江不攻由湖汊上犯山僻地方一爲搶掠米糧一欲使我分兵策應得以乘虛衝突田鎮臣張亮基前曾密飭該道等田鎮兵數只有四千不爲甚厚任賊左右牽制只可就近策應不得分兵遠出致中奸計見在臬司江忠源已將湖北原遣救援江西之已革副將張金甲雲南都司戴文蘭守備馬良勛所帶

張大司馬奏稿卷四

奏

兵勇二千名由瑞昌興國一帶翻山越嶺而至田鎮初七日已抵防所復得該臬司手稟報知該逆全力盡注楚境水陸并急星夜親督兵勇由山路趕來合力痛剿臣等查由江西瑞昌取道興國尙隔一湖賊匪將湖中小船掠盡我軍勢難飛渡又札委候補知府署漢口同知伍煒帶勇五百都司周祿帶勇三百餘名會同都司任大華之兵相機夾擊臬司江忠源或繞道通山縣前來亦未可定此時田鎮兵力漸厚北岸蘄州廣濟一帶有署臬司唐樹義督帶精壯兵勇扼險以待田鎮可無後顧之憂南岸興國州一帶有該臬司重兵前來聲勢更壯全楚門戶似可無虞臣等又調已革武昌同知勞光泰帶省中新造礮船十餘隻前赴田鎮協剿在

事出力員弁兵勇及傷亡弁兵容俟確查奏請
獎卹所有江防三次獲勝情形謹據實具奏伏乞

皇上聖鑒訓示謹 奏

硃批另有旨欽此

張大司馬奏稿卷四

七

附陳俟吳督到鄂再起程赴山東新任片

咸豐二年九月十二日

再臣張亮基欽奉

恩命移撫山東新任督臣吳文鎔旦夕可以抵鄂臣張亮基前在滇撫任內與吳文鎔共事已久深知其人正直剛方素懷忠愛彼此極稱相得臣張亮基自署理督篆以來已踰八月於地方水陸形勢將弁勇怯屬吏賢否時常畱心察看漸有所知俟吳文鎔到鄂熟商一切辦理情形再起程前赴新任謹附片具奏伏乞

聖鑒訓示謹奏

硃批另有旨欽此

張大司馬奏稿卷四

奏

